

PL terima RM120,000 laksana projek kecil pelancongan Labuan

LABUAN: Perbadanan Labuan (PL) menerima RM120,000 daripada Kementerian Pelancongan, Seni dan Budaya Malaysia (MOTAC) untuk digunakan bagi projek-projek kecil menaik taraf fasiliti pelancongan di sini.

Menurut Ketua Pegawai Eksekutif PL Dr. Fary Akmal Osman, salah satu projek yang dikenal pasti adalah menggantikan poster-poster lama yang ada di Lapangan Terbang Labuan.

"Kita bekerjasama dengan Lapangan Terbang Labuan untuk menggantikan poster-poster lama dengan poster yang lebih menarik dan terkini untuk dilihat para pelancong yang datang ke Labuan.

"Kita juga akan gunakan motif lukisan di dinding Lapangan Terbang Labuan untuk menyediakan tempat mengambil gambar atau berswafoto," katanya.

Selain itu, peruntukan itu juga katanya akan diguna untuk menaik taraf papan tanda di lokasi pelancongan untuk kemudahan para pelancong.

"Antara papan tanda yang akan dinaik taraf adalah di Chimney di mana kita akan buat papan tanda di satu kawasan yang sering menjadi lokasi orang ramai melihat sua-



Fary (dua dari kanan) semasa meninjau poster dan bunting produk pelancongan di Lapangan Terbang Labuan.

sana matahari terbit selain ada lebih kurang 10 projek-projek kecil lain yang dinaik taraf atau dibaik pulih," katanya selepas membuat tinjauan di Lapangan Terbang Labuan semalam.


Jelas Fary, sebelum ini juga PL menerima RM640,000 untuk tiga projek naik taraf fasiliti pelancongan di Labuan.

"Salah satunya adalah naik taraf Anjung Budaya yang sering menjadi lokasi penganjuran program kebudayaan dan kesenian selain menaik taraf Muzium Marin Labuan serta Selera Manikar untuk menjadikan tempat itu lebih menarik untuk dikunjungi pelancong luar. PL juga katanya dalam perancan-

gan untuk membangunkan kawasan pantai Layang-Layang untuk dijadikan tempat bagi para warga Labuan dan para pelancong bersantai dan berniaga," katanya.

Dalam perkembangan lain, Fary memaklumkan PL menyediakan garis panduan permohonan lesen berniaga sementara kepada warga Labuan.

"Seperti mana pengumuman Menteri Wilayah yang ingin menjadikan Wilayah Persekutuan sebagai wilayah bebas berniaga, pemohon hanya perlu 'WhatsApp' lokasi tapak berniaga kepada PL untuk menjamin lokasi tersebut selamat kepada para pengun-




MERCU TANDA: Salah satu mercu tanda ikan layaran yang berada di bulatan Lapangan Terbang Labuan.

jung dan peniaga selain tidak mengganggu kepada orang awam. PL akan mengambil inisiatif untuk proses permohonan dalam masa satu hari dan setakat ini kita sudah terima 10 permohonan selain 300 permohonan untuk lesen penjaja percuma selama setahun seperti yang diumumkan Menteri Wilayah pada Jun lepas.

"Kita juga akan hantar lesen kepada penjaja untuk mengurangkan pergerakan mereka semasa pelaksanaan Perintah Kawalan Pergerakan Bersyarat (PKPB)," jelasnya.

- Penerangan Labuan



POSTER: Fary (kiri) melihat satu poster kawasan pelancongan Labuan di laluan ketibaan.